

يدبر الأمر من السماء | #خطبة_جمعة | د. حازم شومان

حازم شومان

ان الحمد لله نحمده ونستعين به ونستغفره ونعوذ بالله من شرور انفسنا ومن سيئات اعمالنا. انه من يهده الله فلا مضل له. انه من يهده الله فلا مضل له. ومن يضل فلن تجد له هاديا مرشدا. يا ايها الذين امنوا اتقوا الله حق طاقته - [00:00:01](#) ولا تموتن الا وانتم مسلمون. يا ايها الناس اتقوا ربكم الذي خلقكم من نفس واحدة وخلق منها زوجها وبث منهما رجالا كثيرا ونساء. واتقوا الله الذي تساءلون به والارحام الله كان عليكم رقيبا. يا ايها الذين امنوا اتقوا الله وقولوا قولا سديدا. يصلح لكم اعمالكم -

[00:00:31](#)

ويغفر لكم ذنوبكم. ومن يطع الله ورسوله فقد فاز فوزا عظيما. اللهم صل على الحبيب محمد على ازواجه امهات المؤمنين وعلى ذريته وال بيته انك حميد مجيد. اما بعد تعالوا اخواني واحبابي في الله نعيش مع - [00:01:04](#) من كتاب الله يعني الحريقة اللي جوة قلوب كثير من البشر تطفنها هذه الاية. يقول الله عز وجل يدبر امر من السماء الى الارض. ثم يعرج اليه في يوم كان مقداره الف سنة - [00:01:24](#)

مما تعدون يدبر الامر من السماء. امور حياتك كلها بتترتب من فوق. امور حياتك كلها بتدبر من فوق سبع سماوات انت مش اللي ماسك ترتيب امور حياتك آ مركز معين فيه ناس مسلا خبراء تخطيط وخبراء ادارة - [00:01:44](#) خبراء آ تطوير ناس خبراء ماسكين ترتيب حياتك وادارة حياتك. اللي بيدبر حياتك اللي يدبر امرك الله من فوق سبع سماوات. يعني تخيل لو انت كده اتعمل مركز الدولة عملت مركز مليه بالخبراء عشان يرتبوا - [00:02:04](#) حياتك ويرتبوا لك امورك. ويرتبوا لك اعمالك. انت هتبقى مطمئن قد ايه. وعشان يقوموا على مصالحك. وعشان يخططوا لمستقبلك عشان يعرفهم ايه الطريق اللي تحط رجلك فيه وايه الطريق اللي ما تحطش رجلك فيه. الطريق اللي عواقبه حميدة وايه الطريق اللي عواقبه مدمومة؟ ولو - [00:02:24](#)

عواقبه حلوة تاخده على مراحل ازاي؟ وحياتك تمشي خطوة خطوة ناحية النجاح ازاي؟ وازاي تذلل العقبات؟ زي تيسر الامور. تخيل لو فيه لجنة من الحكماء والخبراء والعلماء قائمة عشان تدبير امور حياتك - [00:02:44](#) انت انت هتبقى فرحان قد ايه. وهتبقى مطمئن قد ايه. وهتبقى حاسس ان المستقبل هيبقى عظيم قد ايه. تخيل لو اللجنة دي بتتكون من اغنى مليارديرات في العالم. اللي عارفين ازاي الفلوس تيجي وآ ومكونة من اكثر ناس معنيين بتطوير الذات في - [00:03:04](#) العالم اللي عارفين ازاي يعالجوا مشاكلك ومكونة من خبراء تخطيط وادارة ومكونة من علماء ومكونة من وفي النهاية انت حاسس انك انت خلاص ما عدش عندك مشاكل في حياتك. اللي بيرتب لك امورك ربنا. اللي بيوصلك ربنا. اللي بيدبر حياتك من فوق سبع سماوات ربنا. اللي بيختار لك الطريق - [00:03:24](#)

تمشي في ربنا. اللي بيرتب لك خطوة خطوة في حياتك. ربنا اللي بيسهل لك الوصول وبيزّل لك العقبات. ربنا يدبر الامر من السماء الله سبحانه وتعالى لما بيدبر لك امرك لازم تبقى مطمئن اوي. لازم يعني تخيل كده لو آ حاكم امريكا - [00:03:44](#) اعلن ان امريكا سوف تتولى نشر الاسلام في العالم. وان الدعوة للاسلام سوف تتولاها امريكا في العالم. انت هتبقى فرحانين قد ايه ان امكانيات امريكا العسكرية والاقتصادية والاعلامية وهوليوود كل ده والدولار كل ده هيقف في ظهر نشر الاسلام في العالم -

[00:04:04](#)

طب ما بالك بقى ان اللي بيدبر امر ناشر الاسلام هو الله. اللي بيدبر امر الدعوة الى الله يا والله. اللي بيدبر امر عودة الحجاب والعفاف

للنساء المجتمع اللي احنا عايشين فيه. هو الله اللي بيدبر امر هزيمة العلمانيين. واي ناس بتحارب الدعوة والدعاء هو الله -

[00:04:24](#)

اللي بيدبر امر ابتعاث ائمة ونصرة دين الله. وتحرير فلسطين وعز الاسلام هو الله. اللي بيدبر امر رزقك اللي بيدبر امر مستقبلك هو الله سبحانه وتعالى. يدبر الامر من السماء. الانسان جوة صدره حريقة. حريقة - [00:04:44](#)

جوة دماغه حريقة بي فكر في الف حاجة نفسه فيها. ومش عارف يوصل لها ازاى. لما يعرف ان ربنا بيدبر الامور. لما يعرف ان ربنا بيتولاه في التدبير في مستقبله وفي حياته. الانسان يطمئن قد ايه يا جماعة؟ يعني ايه يدبر الامر؟ واياه الامور اللي ربنا - [00:05:04](#) ربنا بيدبر كل حاجة. ربنا الجنين الجنين في بطن امه. الجنين في بطن امه المفروض ان قلب الانسان بيتكون من اربع حجرات ازينين وب قايمين الانسان الطبيعي لازم يبقى فيه حاجز ما بين الازينين وحاجز ما بين البطينين. لان نص القلب الدم اللي فيه فاسد. دم مستهلك - [00:05:24](#)

من الجسم. دم لازم يروح الرئة ينضف ويتطهر. وبعد كده الرئة تقوم مودياه للنص الثاني من القلب. اللي فيه الدم الطاهر عشان يوديه الجسم. طب الوقت الجنين ما عندوش رئة اصلا شغالة. اللي بيحجب للجنين الاكسجين من خلال الحبل السري. الجنين لسة ما عندوش هوا. ما فيش هوا في الرحم - [00:05:44](#)

فالرئة بتاعته ما اشتغلتش. فلو اتقفل الحاجز ما بين الازينين. البني ادم يموت. لازم يبقى فيه وصلة تحف ربنا فتح سقب ما بين الازينين فتح فتحة ما بين الازينين لان الرئة لسة مش موجودة. طب لما ربنا يحدد معاد ولادة - [00:06:04](#) طفل طبيعي وتلقائي تحصل جلطة طبيعية او تطور طبيعي ويتقفل الحاجز ده عشان الرئة هتشتغل عشان الانسان هيقدر ان هو يفصل ما بين شقين القلب. مين اللي رعاك وانت جنين بالمنزر ده؟ مين اللي دبر لك امرك بالمنزر ده؟ ده ده في كل حاجة في جسمك بقى - [00:06:24](#)

كل شئ في جسمك يدبر الامر. وانت جنين ما كانش عندك اصلا. انت انت يعني جسم الام كان عدو لجسمك لان مناعتك الام بتقول ان اي جسم غريب لازم يتضرب ويموت. وانت جسم غريب كبير اوي. كبير اوي جوة جسم الام. هو مين اللي حماك من جهاز - [00:06:44](#)

مين اللي عامل حاجز بيسموه بلاسنتال برير؟ الحاجز آآ بتاع البلاسنتة بتاع المشيمة. الحاجز المشيمي. فيه حاجز كده ربنا عمل عمله حوالين الجنين مش اي مادة في جسم الام ينفع تدخل الجنين. رغم ان دم الام موصل على على الجنين على طول. بس في حاجة - [00:07:04](#)

كده اه في عساكر مرور بيعدوا مواد من دم الام وبيمنعوا مواد انها تعدي. من ضمن المواد اللي بيمنعوا انها تعدي. مواد في المناعة لو دخلت في جسمك وانت جنين كانت تدمرك. تدمر مين اللي حماك ومين اللي دبر لك ده انت كنت جنين يعني انا كنت لسة صليت ولا صمت ولا قمت ليه - [00:07:24](#)

الولاء. وانا صليت تراويح. مين اللي دبر لك امرك؟ الله سبحانه وتعالى. الله يدبر الامر من السماء انت دلوقتي بقى بني ادم كبير بقى مين اللي بيدبر لك جسمك؟ انت مكون من ميت الف نوع بروتين جسمك ده متكون من ميت الف نوع بروتين - [00:07:44](#) الميت الف ده خد بالك انت طول انا طول ما انا بتكلم فيه خلايا في بقي بتموت. انت طول ما انت نايم في خلايا في جسمك بتموت. انت لو وطيت تجيب حاجة من الارض في - [00:08:04](#)

خلايا في ايدك بتموت. انت جسمك ده على طول انت بتموت في جسمك. كل سانية مية خمسة وعشرين مليون خلية. كل على ان جسمك على طول بالك فخلايا جسمك متعجز وتموت والجسم بيدخلها المفرمة ويعيد يعمل ريساكيلينج يعيد تدوير المواد بتاعة الخلايا في انشاء خلايا جديدة - [00:08:14](#)

سليمة فانت جسمك قاعد طب البروتينات دي تتكون تاني ازاى؟ فربنا سبحانه وتعالى خلق لك جوة خلية جسمك مصنع انتاج بروتين اسمه الرايبوزوم ، المصنع ده مكنة واحدة بنتنتج ميت الف نوع من انواع البروتين. طب هو المصنع ده بيعرف مين انت محتاج

الوقت - 00:08:34

انسولين ولا انت الوقت صايم بقى لك آآ اتناشر ساعة فانت الوقتي لآ انسولين مين ؟ احنا عايزين نحافظ على السكر اللي في الدم ؟ هو انت دورتك الدموية ما بتنهرش ازاي ؟ لو قعدت يومين ما تاكلش. هو انت سكرك ما بينهرش ازاي ؟ لو قعدت يوم ان ست تتعشى امبارح في يوم عادي. ونزلت - 00:08:54

واشتغلت وروحت بيتك العشاء وانت عادي شوية دوخة خفاف وخلاص. هو انت دمك ما انهارش ازاي ؟ سكرك ما انهارش ازاي ؟ ضغطك ما انهارش ازاي ربنا عامل لك من جوة معجزات بيدبر الامر. فيه هرمونات بتفرز لما تكون واكل كتير ولازم السكر ده يتحرق. وفيه هرمونات تانية - 00:09:14

تفرز لما تكون صايم ولازم السكر ده يتحافظ عليه. عكسها فيه هرمونات بتفرز لما يكون ضغطك هيوطى عشان تعليه. وهرمونات تانية لما هيكون ضغطك بيعلى عشان توطيه. انت جسمك من جوة ده ملكوت فرينا. طب انا الوقتي المصنع اللي جوة الخلية ده يعرف منين - 00:09:34

محتاج الوقت انسولين ولا محتاج كورتيزون ولا محتاج دوبامين ولا محتاج هو يعرف منين هو الجسم محتاج ايه المخ بيعت اشارات لاسلكية لحد دلوقتى العلماء مش عارفين ازاي. بيعت لنواة الخلية يقول لها بسرعة. عايزين كمية انسولين كذا - 00:09:54 الكمية دي ما تزيدش ملي ولا تقل مللي. النواة تقوم باعثة للرايبيوزومات رسالة كده نسخة من البروتين اللي المفروض يتعمل الرايبيوزومات تقوم مصنعاه في سواني وفي اقل من سواني. لان في لحظات انت محتاج تعامل فوري ولا الانسان يقع من طوله. انت - 00:10:14

جواك معجزات مين اللي بيدبر لك امرك؟ طب الممكن اللي شغال ده ؟ مكنة الريبوزوم لوحدها اللي بتنتج ميت الف نوع بروتين دي. تخيل مكنة ما بتنامش لحزة. انت ده كل ست شهوور بيتكون تاني - 00:10:34 انت بس بتحتاج كل سانية هيموجلوبين خمسميت مليون جزئهم جروبين جداد. كل سانية تخيل بس الخليل هي شغالة قد ايه عشان تنتج. وده مادة من ميت الف مادة بتنتج كل سانية. في خلايا جسمك. يعني انت خلاياك دي لا تنام. لا - 00:10:46 تنام لحزة. طب انا الوقتي هجيب طاقة منين ؟ قربنا خلق لك مفاعل نووي جوة خليةك. خلق لك محطات آآ توليد طاقة هو خليةك اسمها المايتوكوندريا. بتنتج كل سانية اتنين مليون جزية اي تي بي. اتنين مليون عملة طاقة - 00:11:06

انت انت ممكن جبار شغال. طب دلوقتى الممكن اللي جبار ده هو فيه ممكن شغال ما بينزلش مخلفات! هو فيه ممكن شغال ما بيطلعش دخان سور طب انت الوقتي الف مليار خلية في جسمك ما بيناموش. اربعة وعشرين ساعة. يعني على طول سموم بتطلع. عوادم استهلاك بتطلع. ده انت المفروض في - 00:11:26

اسبوع تموت اصلا. في اسبوع الانسان يتعفن داخليا اصلا. قربنا خلق لك كلى. بتفلتر دمك يوميا لتلمية وستين مرة بتفلتروا كل لتر لما بيدخل فيها بتطلع نقطة سم نقطة عوادم استهلاك. وبترجع اللتر تاني الدم. فبيطلع - 00:11:46

ادخل فيها كل يوم الف وسبعميت لتر دم. بتخرج الف وسبعميت نقطة بول. اللي هو السم اللي بيخرج من جسمك. وترجع الدم تاني للجسم مرة اخرى خلق لك كبد الاكل اول ما بتاكلة ما انت الاكل اللي انت قعدت تاكلة ده كله آآ مواد صناعية. كله مكسبات طعم ولون وراه كله سموم - 00:12:06

قربنا خلى الامعاء اول ما يخلص هضم الاكل في الجهاز الهضمي. الاكل ما يروحش على الجسم على طول ممنوع. فيه وريد كده اسمه الوريد البابي. لان ده الباب بتاع الجسم. ممنوع اكل يدخل للجسم الا من الوريد ده. ده الباب. الوريد البابي ده بيروح الكبد بس. يقوم يودي الاكل - 00:12:26

اتهضب على الكبد. الكبد يحرق السموم اللي فيه. ويتعامل مع السموم اللي فيه. وبعد كده يسحب الاكل يروح يضخ بقى. الاكل المهضوم يضخ للدم. وللجسم يغزي الجسم بعد ما اتعمل مع السموم. انت من غير الكلام ده انت انت مش متخيل انت توصل لايه؟ يدبر الامر. انت مدبر ايه ؟ انت مدبر آآ - 00:12:46

سبات نسبة السكر في دمك. انت مدبر سبات الضغط في دمك. انت مدبر سبات نبضات القلب. انت مدبر التمانية وعشرين الف نفس اللي بتأخذهم يوميا. انت مدبر الاف مراكز المخ اللي بتتحكم في كل زرة في جسمك. انت مدبر صناعة ميت الف نوع بروتين -

00:13:06

بيكونوك بني ادم من جنيك كل ست شهور؟ انت مدبر انتاج الطاقة في الالف مليار خلية. كل خلية بينتج فيها في السانية الواحدة اثنين مليون جفاء جزيء طاقة انت بتدبر ايه ؟ انت يا عم انت يعني انت عايز تعرف حقيقة نفسك، انت عايز تعرف حجمك؟ انت عايز تفوق. انت عايز تفهم انك انت لا شيء - 00:13:26

انت عايز تفهم يعني ايه يدبر الامر من السماء. انك انت انت قاعد شاغل الانسان وهو شاغل نفسه بتدبير آآ امور الحياة. هو الانسان لازم لازم يدير ولازم يتعب. ولازم يسعى. بس هو عارف ان ربنا يدبر الامر من السماء. لان التخطيط في الدين عبادة. والتدبير عبادة والترتيب عبادة - 00:13:46

والادارة عبادة. وهل جزاء الاحسان الا الاحسان؟ بس وانت عارف انه يدبر الامر من السماء. ان الامور بتترتب في الوضوء. ما انت ما انتش حاسس انك انت هي بك. اشتغلت جت ما اشتغلتش ما جت. حسبتها صح جت حسبتها غلط يبقى ضاعت. لا لا لا ده انت فيه اله بيدبر - 00:14:06

لك حياتك زي بالزبط كده لو ابنك دلوقتي مسلا ابنك الصغير قاعد يحسب كده طب انا اجيب فلوس منين؟ طب انا عايز اجيب حاجة حلوة. طب انا عايز برضو اروح - 00:14:26

مدرسة واركب مواصلة. طب هجيب منين ؟ واحد يجي مسك ورقة وقلم وقاعد يحسب. اجيب فلوس منين عشان اعيش! اجيب فلوس منين ؟ عشان عيد اللي جاي ده انا عايز اجيب بنطلون جديد او حذاء جديد. اجيب فلوس منين؟ وانت امكانياتك اعلى منه الف مرة. وبتفكر له نفس التفكير ده - 00:14:36

احسن منه الف مرة ومخطط له وعاين له فلوسه. هو هو هو عايش حريقة ليه ؟ يعني هو الحريقة اللي احنا عايشنها دي في حد اعلى منك واقوى منك واغنى منك بيرتب لك حياتك. يدبر الامر من السماء فالحريقة اللي جوة البني ادم حريقة - 00:14:56

فكر الرهيبة بتهدى وبيتحول الى انسان عامل زي البحر. من برة هادر والقاع بتاعه هادي. هو من برة بيسعى ولكن قلبه ساكن وموقن بالله سبحانه وتعالى. بيبقى الانسان في الحياة دي من جوة فعلا عميق وراكز ومتصل بالله يدبر الامر. ربنا - 00:15:16

بيدبر امر كل حاجة حتى النبات يا جماعة. حتى الفاكهة اللي احنا بناكلها دي. لما تروح مسلا تجيب اه اه الفاكهة مسلا اه اللي في اول الشتاء مسلا اللي المفروض - 00:15:36

استوت في الصيف. فتيجي تاكلها تلاقيها مش مسكرة. فتسأل اي حد خبير زراعي. هي الفاكهة مش مسكرة ليه السنة دي؟ يقول لك لان اصل الصيف ما كانش حر قوي السنة دي. هو طب ومال حرارة الصيف؟ ما انت مخنوق من الحر. انت مش عارف ان الحر ده بيعمل لك مليون فايده من ضمنها - 00:15:46

ان هو بيكشف السكر جوة الفاكهة. فتيجي تاكلها في اول الشتاء تلاقيها مسكرة. طب الحر لو نزل؟ طب البرد لو نزل؟ البرد لو نزل تروح الاراضي الزراعية تلاقي الديدان بمئات الانواع بتمرح باعداد مهولة بتبرأ ليه ؟ البرد ده بيقتل كائنات - 00:16:06

للنبات ومدمرة للزراعة. فانت في الشتاء بتضايق من البرد وانت ما انتاش عارف البرد ده ربنا بيعمل لك به ايه. وفي الصيف متضايق من الحر وانت مش عارف الحر ده - 00:16:26

بيعمل لك به ايه؟ يدمر الامر. الحاجة اللي انت متضايق منها. ممكن تكون هي قمة المصلحة لك اصلا. قمة مصلحتك لما ابن النبي عليه عليه الصلاة والسلام مات فربنا نزل له صورة يعزيه فيها. عزاء بقى جاي من السماء بقى. فربنا نزل له سورة بيقول له فيها ايه؟ بيقول له لا تحزن يا محمد على - 00:16:36

آآ ابنك عبد الله او القاسم اخر ولد للنبي عليه الصلاة والسلام في مكة مات قال له لا لا لا ما قالوش كده خالص امال قال له ايه؟ قال له - 00:16:56

انا اعطيناك الكوثر. انت خدت كتير قوي من ربنا. اتاخدت كتير اوي. يعني المفروض اللي انت فقدته. لا لا لا ربنا ما اتكلموش على اللي فقدته. ربنا ما اتكلموش على اللي راح منه. ربنا اكلمه على اللي هو خده من ربنا. انا اعطيناك الكوثر. انت خدت كتير ولسه هتاخذ كتير من ربنا - [00:17:06](#)

ده الفرق بين الحالة النفسية والحالة الحقيقية. انت ممكن تكون قاعد دلوقتي مكتئب. وانت غرقان نعم انت ممكن تقول له هاتي قاعد مهموم ومتوتر بسبب حاجة معينة. آآ مدايقاك والحاجة دي هي مفتاح سعادتك دنيا واخرة. انت مش - [00:17:26](#)
الامور. الحالة النفسية بتاعتك ما لهاش دعوة بالحالة الحقيقية. فممكن الحالة النفسية انت زعلان. والحالة الحقيقية انا اعطيناك الكوثر. والحالة الحقيقية انت في فتح مبين من الله. سبحانه وتعالى. سيدنا يوسف في السجن بيقول للساجنين ذلك من فضل الله علينا. فضل مين يا عم! ده انت اتزلمت من القريب والغريب - [00:17:44](#)

رميت في الجوب وتحاول يقتلك واتهمت في شرفك وداخل السجن في قضية شرف. مفترى عليك فيها وعاش في سجن يعني فضل فين الفضل؟ هو شايف ربنا ادى له ايه؟ فيه انسان برة ومش شايف غير الابتلاء اللي في حياته. وفيه انسان - [00:18:04](#)
في السجن ومش شايف غير نعمة الله. الحالة الحقيقية غير الحالة النفسية. يعني من الاخر انت عايش في وهم. من الاخر انت اكتئابك وتوترك وقلقك ده وهم لان الحالة الحقيقية ان ربنا معك وبيرتب لك امورك وبيدبر لك امرك. وربنا يريد انك تقف على بابه ليعطيك ويعطيك ويعطيك - [00:18:24](#)

سبحانه وتعالى يدبر الامر. يعني ايه يدبر؟ بيدبر الامر حتى الحيوانات يا جماعة. حد آآ ناس حبايبنا يعني آآ مربين حيوان. آآ فالحيوان آآ آآ يعني مش متجوز هو ذكر مش متجوز. فمرض اليومين اللي فاتوا دول - [00:18:44](#)
آآ وخلص بيموت بقى طبع في مكان وبدأ يتبول دم. آآ وقبع في مكان وحجمه قل جدا وآآ وخلص بيموت يعني ايه؟ فرحموه قالوا لازم نوديه لدكتور بيطري يعني ودوه لدكتور بيطري هنا يعني. فعشان ايه؟ حيوان مادام بيربوه في البيت راح - [00:19:04](#)
رحمة به ان هم يحسنوا لي في كل ذات كبد رطبة اجر. فالمهم الدكتور بقى قعد يكشف يكشف وبعد كده اكتشف برضه ان هو آآ مش متجوز الكائن ده مش متجوز هم مش عايزين يجوزوه يعني عشان ما يبهدلوش البيت بتاعهم يعني. فالمهم فرزق فجاب له يعني ايه زوج - [00:19:24](#)

من جنس الحيوان ده ورجع بها. فانا شفت الحيوان ده. يعني رحت شفته بني كائن ثاني يا جماعة. انا والله انا واقف قدامه. اقول يا رب الحيوان ده ربنا رتب له انه يمرض. عشان يصعب على اللي بيربوه. عشان يودوه يكشف عليه. عشان يرجع بزوجة. اللي هو طلع - [00:19:44](#)

كل اللي هو فيه ده انه عايز يتجوز. اول ما جابوا له زوجة رجع شباب ثاني. الدنيا اتقلبت معه ثاني. نفسيته اتصلحت ثاني. هو ده عالم يا جماعة. سبحان خالق الملكوت. وما من دابة في الارض ولا طائر يطير بجناحيه الا امم امثالكم. باقول يا رب - [00:20:04](#)
يعني الابتلاء في حياة الحيوان ده انت بتترتب للحيوان ده. انت بتدبر للحيوان ده عشان حاجة هتسعد حيوان او او هتفيد حيوان! امال يا رب البني ادمين انت بتترتب لهم ازاي! امال يا رب البني ادمين انت بتدبر لهم ازاي؟ يعني انا ممكن يكون في ابتلاء في حياتي هو مفتاح - [00:20:24](#)

حياتي كلها وانا مخنوق منه ومش عارف العواقب. ما هو يعني ايه يدبر. الدبر اللي هو العاقبة والمآل. آآ الدبر هو ما خفى من الامور يعني يدبر الامر يعني بيدبر العواقب. يعني ايه يدبر الامر يا جماعة؟ يدبر الامر يعني هو اللي بيختار لك. هو اللي بيختار لك. الموضوع - [00:20:44](#)

الموضوع ده عواقبه وحشة يعني احيانا انت تشوف مسلا واحدة شاب بتتجوز شف بنت جميلة اوي. اوي اوي اوي اوي. وينفع تتجوزها ولو اتقدمت لها هتوافق بس هي مش متدينة خالص - [00:21:04](#)

فانت تقعد تفكر كده ده انا لو اتجوزتها انا ولادي هيضيعوا. هتربي عيال دي ازاي؟ فانت اهي دي بقى ده التدبير. ده التدبير ده اللي هو ايه؟ اللي هو انت بصيت له العواقب ففرملت. واحد مسلا يقول لك انا اسافر برة برة فيه فرص شغل اكثر. فيه فلوس اكثر فيه

رخاء اكثر - 00:21:16

فيه جمال وبعد كده بيدأ يفكر طب انا لما اتجوز وعيالي يكبروا برة عيالي هيطلعوا يا ملحدين يا يا بنتي هلاقيها داخله علي بشاب وعندها ستاشر سنة ولو اتكلمت البوليس يبجي ياخدني انا هدمر عيالي. يقوم يسبب حاجة بالنسبة له جميلة لانه تفكر في العواقب بتاعتها. يدبر - 00:21:36

التدبير النظر في عواقب الامور. النظر في مآلات الامور فربنا ممكن يغلق عليك باب. لانك انت شايفه حلو بس هو مآلاته بالنسبة لك وحشة فربنا هو اللي بيختار يعني ايه يدبر الامر؟ هو اللي بيختار. هو اللي بيختار. فيه امر ثاني بقى مقالاته حلوة. ومقالاته عظيمة ويوصل - 00:21:56

الى نتائج عظيمة. بس توصل له ازاى؟ هو اللي بيدبر لك بقى توصل له ازاى خطوة خطوة. خطوة خطوة يوصلك له. انت مش بس هو اللي بيختار لك هو اللي بيوصلك. هو اللي بيوصلك. انت يعني من كم سنة يعني انا بتكلم دلوقتي بقى اللي في الاربعينيات اللي فات اخر الثلاثينات - 00:22:16

من كم سنة احنا كلنا يا جماعة كنا شباب متخرجين انت الوقتي انت ما كنتش تحلم تتجوز اصلا! انت الوقتي زوج وعندهك زوجة وعندهك ثلاث اربع عيال عندك بيت ممكن يكون البيت ده اصلا ملك ما بتدفعلوش ايجار وممكن تكون ربنا فتح عليك في دخلك. فما عدش بالنسبة لك الايجار مصيبة زي زمان. وممكن يبقى عندك الواد - 00:22:36

عربية ممكن يبقى عندك مشروع او بقيت قيمة في عمل معين. فانت انسان لك قيمة حتى لو سبت شغلك ده لك قيمة في شغل ثاني. انت مين اللي بيغير لك حياتك - 00:22:56

ممكن تكون اتعينت في جامعة. ممكن تكون بقيت انت مين اللي بيغير لك؟ مين اللي وصلك لده؟ انت ما كنتش تحلم بده من كذا سنة. مين اللي وصلك للي انت فيه - 00:23:06

في الراجل بينام جنب زوجته ويجامع زوجته ويلتز وتلتز وهو ينام وهي تنام ويتخلق جنين رحمها ما حدش داري بها اصلا ولا يملك حد انه يدري به اصلا ولا يملك حد ان حنة الحيوان المنوي - 00:23:16

ياخد كبد وياخد كلى وياخد سمع وياخد بصر وياخد ثلاثين مركز في المخ يشوف بهم يرتبوا له نزره وياخد ما حدش يقدر يرتب ده. هم نايمين وربنا بيرتب وبعد تسع شهور وعشر تيام. يستلموا من ربنا جنين كده وادي عينيه حلوة. وشكله حلو - 00:23:36

وبيضحك وبيلاغه ويملى حياتهم فرحة وما عملوش حاجة اصلا. مين اللي وصل الحيوان المنوي للكائن ده؟ وفي الاخر تلاقي بني ادم بيقول لك انا بدى لربنا حقه والله. حقه مين يا ابني! انت عامل زي واحد مديون لواحد في خمسين مليون دولار! فالنهارده كسب خمسة وثلاثين جنيه! فقام مكرمشمهم له كده في ايده وقال - 00:23:56

خد دول النهاردة كده واياه يلا بقى ابسط يا عم. ثاني يوم مسلا لعبت معه بقى وكسب له ميت جنيهه قام مكرمشمها له في ايده خد دي النهاردة. بعد كده شهر - 00:24:16

الدنيا مش جاية معه بعد شهر مسلا جا له متين جنيهه كرمشة ففي الاخر حد بيقول له يا عم انت يعني فلان انت مديون ليه ؟ قال له لا لا انا بادى له حقه حق مين يا عم - 00:24:26

انت بتدي لربنا حق ايه ؟ ده انت كبدك ده الثلاثين مركز ابصار اللي في مخك ده والله ولا مليارات الدنيا تبيعهم. ولو واحد دلوقتي نايم على جهاز تنفس صناعي - 00:24:36

عناية مركزة بسبب كورونا. نسأل الله العفو والعافية. نسأل الله العفو والعافية. وقالوا له رثة سليمة بمية مليار دولار وهم معه يدفعهم بلا تردد. انت انت مش حاسس انت خدت من ربنا ايه ويجي واحد بعد كده يقول لك انا عايز آآ -

00:24:46

انا انا عايز ادعي بس انا ما استاهلش انها تستاهل هو ربنا ما بيدكش لانك تستاهل هو انت تستاهل عينك اوعى يعني كل اللي انت عايزه من ربنا ما هواش حاجة في اللي اداه لك اصلا. انت غافل. انت بتحسبها ازاى؟ نفسي اتجوز. طيب تجيب عينك وتتجوز؟ لأ

ولا ستات الكرة الارضية. ولا ملكات جمال عالم الارض دي كلها. في عين واحدة والله العظيم. ولا وابقى مجنون اصلا لو وافقت. الله! يعني انت اللي ربنا اداه لك اعزم مليار مرة من اللي انت نفسك فيه. طب ايه رأيك عربية بي ام بس تجيب آآ كبدك او نص كبدك! طب ايه رأيك بقى تجيب رئة من اللاتنين او كلى - 00:25:26

من اللاتنين والشقة تمليك يا عم. يا عم مين المجنون اللي اللي يعمل كده ؟ يعني اللي يعمل كده ممكن يعمل كده عشان حد حبيبه بيضحى يعني بنفسه عشان انما يعمل كده عشان فلوس ده ده يعني تلك اذا قسمة يبقى اذا انت اللي ربنا اداه لك اغلى بكتير اوي اوي من اللي انت نفسك فيه - 00:25:46

يعني من الاخر كده انا جيت النهاردة قلت لك خد العشر تلاف جنيه دول ليه ؟ يا عم بقى فك نفسك كده وباشرق نفسك وشوف حالك. ورح اتفسح لك يومين كده تاني - 00:26:06
يوم خد المفتاح ده ايه ده مفتاح عربية حلوة كده بي ام ايه آآ بتاعتك. تالت يوم خد النص مليون دولار دول ، ليه ؟ يا عم اعمل لك مشروع كده وابدأ بقى - 00:26:16

لك دخل شهري كده والله يعينك. رابع يوم خد المفتاح ده ايه مفتاح شقة تمليك يا عم عشان لما تيجي تتقدم لعروسة ابوها ما يقولكش يا ابني انت هتسكنها فين - 00:26:26
ادفع ايجار منين ومش عارف ايه. وبعد كده بعد شهر انت اتزنقت في خمسين جنيه قعدت بينك وبين نفسك كده هو الجدد ده هو فعلا ممكن يديني الخمسين جنيه ؟ لا لا لا صعب صعب الخمسين جنيه صعب ان هو يتضايق. ده بني ادم اللي بيفكر بهزه الطريقة يا اخواني هو نوع من انواع العته. ونوع من الرجل - 00:26:36

اللي اداك سمعك وبصرك وكبدك وكلتك ومخك ورئتك وشبابك وصحتك وطاقتك وجوزك ورفعك وميزك. بعد كده انت مستصعب انه يجوزك ولا مستصعب انه يشغلك ولا انت مستصعب ايه! ده اداك - 00:26:56

اللي فيها ده اداك اللي اغلى من الدنيا باللي فيها. نسأل الله العفو والعافية. استصعب ايه ؟ اللي يفهم يعني ايه يدبر الامر. الحريقة اللي جواه دي الطفل ويعرف ربنا عامل له ايه. ويعرف ان ربنا بيدي لانه كريم. مش لانك انت تستاهل. يدبر الامر ربنا. ربنا هو - 00:27:16
هو اللي بيوصل هو اللي بيدبر هو اللي بيختار اطمئن لاختيار ربنا لانك ما انتاش عارف العواقب يدبر يعني يرتب العواقب حسب دبر الامور وعواقب الامور تعرف العواقب تعرف اللي اتقفل عليك ده كان خير ولا شر - 00:27:36

هتعرف منين يدبر الامر الله سبحانه وتعالى يعني مسلا لما يكون في بلد مسلا مدينة آآ بقى لها مسلا آآ خمسمية سنة مبنية فبقت زحمة اوي. والدنيا اتخنقت وما عادش الناس طايقين يعيشوا فيها. فاللي عملها ما كانش عارف ان بعد خمسمية سنة معدل النمو - 00:27:55

هيوصل لدرجة خانقة وهيبقى فيه عربيات والدنيا هتتخنق وهكذا. يدبر الامر يعني ربنا لما بيدبر حاجة بيرتب بينزر لكل العواقب بتاعتها. يعني ربنا لما خلق الارض آآ قال ايه ؟ وقدر فيها اقواتها. يبقى لآخر بني ادم - 00:28:15

يعيش على وجه الارض قبل قيام الساعة بساع بلحزة ربنا مدبر له قوته. ومدبر له الماية اللي هيشربها. ومدبر له الاكل اللي الارض هتطلع له ومدبر له المطر اللي هينزله. ربنا مدبر له كل حاجة. ييجي الوقت بقى يقول لك هنجوع وهنحارب على لأ ده ده حاجات تانية بقى. دي قصص تانية بقى ده ده - 00:28:35

ده اهداف تانية بقى. انما ربنا لما بيدبر بيدبر. الانسان ما يعرفش يدبر اكثر من حد معين. ما يقدرش يخطط يدبر الامر من السماء الى الارض. ربنا بيدبر امور الصالحين. مش بس بيدبر امور الكون والفلك والمجرات وجسم - 00:28:55

مجارة التبانة دي يا جماعة بتاكل منين بتاكل منين مجار الطبانة دي ؟ ما حدش يزن ان انا بسخر منه. مجر التبانة دي كائن حي زيك. لو ما كنتش تموت. يعني ايه - 00:29:15

يعني مجرة التبانة دي يا عم مش هقول لك زيك زي عربيتك. لو ما مونتش بنزين تموت. بتجيب طاقة منين الربعميت مليار نجم اللي

ما يبطلوش دوران لحزة دول بيجيبوا طاقة منين؟ يجيبوا طاقة منين؟ ما هم بيجروا كده يعني ايه بيجروا ما فيش حاجة اسمها بيجروا كده - [00:29:30](#)

ما فيش حاجة بتجري من غير طاقة. بتجيب طاقة منين؟ الشمس بقى لها خمسة مليون سنة بتدور منين؟ جابت الطاقة منين؟ الارض دي بتجيب طاقة منين؟ والله مش يعني - [00:29:49](#)

ايه قصدك ايه؟ لان المجرات اللي زي مجرة التبانة عشان تعيش بتاكل المجرات الصغيرة والتجمعات النجمية الصغيرة اللي جنبها بتاخذها وتفتتها وتاخذ الطاقة بتاعتها عشان تفضل هي عندها طاقة. يعني ايه يا كائن زيك بالزبط بياكل. العلماء قالوا انه مستحيل - [00:29:59](#)

حيل ينشأ حياة على وجه كوكب الا لو هو موجود في مجرة حلزونية. يعني مجرة التبانة حلزونية. قال لك لو مجرة كروية مستحيل ينشأ حياة ولازم يكون المجرة لها ازرع. ولازم يكون الكوكب ده في زراع من الازرع زي الارض كده ما في زراعة جبار. زراعة من ازرع المجارح ده. موضوع - [00:30:19](#)

كبير اوي يا جماعة ده انت مترتب لك من ملايين السنين. انت انت ربنا بيرتب لك اللقمة اللي انت تاكلها النهاردة المغرب من قبل ما تتخلق بخمسين الف سنة وانت جاي النهاردة تقول اكل منين! تاكل منين! ده انت رغيف العيش اللي انت اتسحرت به! هتسحر به الليلة اللي جاية - [00:30:39](#)

في تلتمية وستين جندي من جنود السماء والارض ربنا سخرهم لك. عشان رغيف العيش اللي هيتصنع دول. وانت الخباز هو الجندي رقم تلتمية وستين انت جاي في الاخر تقول اكل منين؟ تاكل ايه ويعني - [00:30:59](#)

اه عايزين نحسبها صح مع ربنا. مش عايزين نبقي ضيقي الافق مع الله. ربنا بيرتب للصالحين. بيرتب سيدنا يوسف. واحد مرمي في السجن مرمي في السجن ما حدش يسأل عنه. ما لوش حد يعمل له التماس حتى ويقول يا جماعة طلعه - [00:31:13](#)
ده اللي دخلوه هم اللي مصممين ان هم ما يطلعوش اصلا مدى الحياة. ولا له اب يسأل عنه ولا له اخوات يسألوا عنه. والقريب اتظلم والغريب زلمه. والدنيا كلها عليه وواحد محطوط في سجن كده لوحده. المساجين قاعدين يدخلوا ويخرجوا وهو السنين بتعدي عليه وقاعد كده - [00:31:29](#)

يدبر الامر. ربنا لما اراد انه يخرج الملك بتاع البلاد شاف رؤية. حلم يعني انت ربنا ممكن يغير لك حياتك واحد يشوف حلم ها الملك بتاع البلاد يشوف رؤية. الوضع بتاع بلد كاملة يتغير. يدبر الامر. انت ما لكش وما يعلم جنود ربك الا هو - [00:31:49](#)
ربنا بيدبر الامر اخواته شاييلينه اه قاعدين يقولوا لابوه ارسلوا معنا يرتع ويلعب قاعدين يضغطوا نفسيا على ابوه بيوسف. هم بيقولوا هاتوا معنا يلعب ويجري ويتبسط. فطبعا هو ابوه زي سيدنا يعقوب بالنسبة له الكلام ده مش هيشده. انما بيوسف الصغير اول ما يسمع الكلام ده - [00:32:09](#)

وهابي عايز اللعب واجري هم فاهمين يضغطوا بمين على مين المشهد اللي بعدها فلما ذهبوا به مش مع بدأت الجرجرة وبدأ اللطش بالاقلام وبدأ الضرب بالرجلين. خلاص الحقد ظهر اول ما غابوا عن عيننا بهم ذهبوا به كانهم - [00:32:29](#)
بيجرجروه واجمعوا ان يجعلوه في غايات الجب. منزرهم وهم واقفين قدام البير المهجور البعيد اللي هم كانوا عارفين مكانه كويس اوي. وعارفين ان ما فيش فيه مائة وعارفين ان ما فيش اي قبيلة من القبائل اللي جنبهم هتفكر تروح تملى منه مائة لان كله عارف انه بير مهجور. وبير ناضج. انما مين اللي ممكن يفكر يملى - [00:32:49](#)

مية السيارة السيارة يعني القوافل المارة عبر الدول. قافلة جاية من الصين ورايحة ورايحة مصر هي اللي هات امي منزلة الدال وهياقوا طفل ماسك فيهم هيقوموا واخدينه بالسلامة بقى. يوسف بقى في الصين بقى هيرجع منين تاني خلاص ده انا احسن من اللي احنا - [00:33:09](#)

ده احنا لو قتلناه نودي جسته فين؟ انما ده احسن من ان احنا نقتله قاعدين يخططوا اجمعوا منزر عشرة اقوياء ماسكين طفل عنده اربع خمس سنين. واحد ماسكه من رجليه وواحد ماسكه من رقبته وواحد ماسكه من راسه. وواحد ماسكه من صدره وواحد ماسكه

من ايديه - 00:33:29

والعشرة في نفس واحد مصممين يرموه. وهو لا يملك حول ولا قوة امام هذا المشهد. في اللحظة دي ربنا ما سابوش فلما ذهبوا به واجمعوا ان يجعلوه في غيابة الجب. واوحينا اليه. الله اكبر. لتنبئهم بامرهم هذا وهم لا يرون - 00:33:49

اشعر يعني ربنا نزل له جبريل ولا ربنا الهمه ولا ربنا نزل له ملاك ربنا عمل له ايه ؟ ربنا عمل له حاجة طمنه بها وما سابوش في اللحظة العصيبة - 00:34:11

اللي مش هيسيبك. طب ولما امرأة العزيز همت به وهم بها لولا ان رأى برهان ربي. ايه هو برهان ربي؟ مفسرين مختلفين هو حاجة ربنا وراها له. سبتته. طب ولما كل لحزة اتعرض فيها للزلم ربنا ما سابوش - 00:34:21

كل لحزة اتعرض فيها للقهر ربنا ما سابوش. يدبر الامر حتى اللحظات الصعبة اللي في حياتك ما تخافش منها والله ما تخاف منها لان اللطيف هيبقى معك فيها. انت مش هتعرف اللطيف غير في اللحظات الصعبة - 00:34:41

انت مش هتعرف الودود غير لما الكل يتخلى عنك انت مش هتعرف القدير غير لما الاسباب اسباب ترفع الراية البيضاء. وما عدش يبقى فيه اسباب انت مش هتعرف الشافي غير لما يبقى ما فيش دكاترة عارفين يعملوا لك حاجة. انت مش هتعرف ربنا غير في الازمات. عشان كده ما - 00:34:57

من الابتلاءات. وفي ذلكم بلاء ايه؟ من ربكم. المربي بتاعك هو اللي مختار لك الدواء ده لعلاجك في الروشنة بتاعة تربيتك لما تبتلى وتتخفق من الابتلاء افتكر بلاء من ربكم - 00:35:17

من البروب بتاعك من الراعي لحياتك يعني الله يرعاك سبحانه وتعالى يدبر الامر. امر الصالحين. امر الهداية. امر الزواج. امر الارزاق. من السماء الى الارض. ثم يعرج اليه. يعني الامر بيطبق - 00:35:32

فرم السما وينزل للارض. وبعد كده ده البدايات. طب نهايات الامور تعرج اليه. يعني الله هو الذي يحدد البدايات وهو الذي يحدد النهايات انت من البداية للنهاية كده في ايده - 00:35:49

اسلم لربك واسمع واطع لربك وثق بربك وثق باختبار ربك وارض عن الله سبحانه وتعالى وابقن بالله وابقن ان هناك كمن يدبر لك كل امرك فاسعى في الاسباب وانت موقن ان الله سبحانه وتعالى معك. الحمد لله وكفى وصلاة - 00:36:02

سلاما على عباده الذين اصطفى. اللهم لك الحمد كله ولك الملك كله وببيدك الخير كله. واليك يرجع الامر كله. اللهم صل وسلم وزد وبارك على الحبيب محمد عليه الصلاة والسلام. اخواني واحبابي في الله ثم يعرج اليه في يوم كان مقداره الف سنة مما - 00:36:22
الف سنة العلماء قالوا آآ ان معنى الاية دي طبعا الاية دي فيها اقوال كتير جدا يعني. من ضمن الاقوال ان ربنا بيحط اقدار الف سنة الف سنة يعني ربنا بيضع اقدار الارض هو فيه اقدار مكتوبة من يوم ما ربنا قبل ما ربنا يخلق الكون. وفيه اقدار بتتكتب بقى كل -

00:36:42

كل الف سنة وفيه اقدار بتتكتب كل سنة اللي هي في ليلة ايه؟ انا انزلناه في ليلة مباركة اللي هي ليلة القدر. انا كنا منذرين فيها يفرق كل امر حكيم. فيها يفرق كل امر حكيم. يعني ليلة القدر بيكتب فيها اقدار السنة الجاية. يعني انت في سانوية عامة -

00:37:06

هتدخل كلية ايه؟ تتكتب في ليلة القدر السنة دي انت هتتجوز السنة دي ولا لا هتتكتب في ليلة القدر السنة دي. هتشتغل السنة دي ولا لا وتشتغل فين وبمرأتك كام ؟ هتتكتب في ليلة القدر السنة دي. هتروق من المرض ولا ايه اللي هيحصل مين هيعيش ومين -

00:37:26

يموتوا مين هيتجوز ومين هيخلف مراتك هتحمل ولا لا ؟ كل ده هيتكتب في ليلة القدر السنة دي. هيفتح عليك في الدعوة هيفتح عليك في العلم الشرعي. ربنا يفتح عليك في - 00:37:39

القرآن ربنا يرزقك صحبة سالحة ربنا هيرزقك مشروع جديد. ربنا كل اقدار السنة بتتكتب في ليلة القدر. فيها في ليلة القدر يفرق كل امر حكيم لان كل اوامر الله حكيمة. كل اوامر الله حكيمة امرا من عندنا وكل اوامر الله من عند الله - 00:37:49

مين يتكلم؟ لا يسأل عما يفعل وهم يسألون. رحمة من ربك. كل اوامر ربنا رحيمة. كلام جميل قوي. القرآن بيظمنك اوي. اكبر خسارة انك تدخل رمضان وتقعدهم تقرا القرآن من اوله لاخره وفي الاخر - 00:38:09

جمعت حسنات وخلص ما فهمتش روح القرآن ما ارتبطتش بمعرفة الله في القرآن. ما وقفتش قدام اية زي يدبر الامر من السماء. ما وقفتش قدام اية زي وفي ذلكم بلاء من ربكم. ما وقفتش قدام اية - 00:38:24

زي ذلك من فضل الله علينا. ما وقفتش قدام ما ودعك ربك وما قلى. ما وقفتش. وخلص مكنة آآ عبد فلوس وبتعد وخلص. انت اكبر اكبر خسارة حقيقية. في يوم كان مقداره الف سنة. المفسرين قالوا يعني ربنا - 00:38:38

يرتب امور الف سنة بالف سنة في الكون. عارف تخيل كده لو شركة بتحط الخطة بتاعتها كل الف سنة الف سنة فبعد ستميت سنة جه موزف وهو يقعد في الشركة سنة واحدة بس. فجاي بقى الموزف مش عاجبه نظام الشركة وعمايز يعمل تعديلات في نزام الشركة. يا عم انت مين - 00:38:58

يا عم ده انت صغير اوي. ده انت ده ربنا بيدبر الكون بسماواته برضه بكل ما فيه الف سنة بالف سنة اه وربنا مدبر ما هو اعظم من هذا بس يعني ربنا بيديها لنا ايه؟ ان احنا نفهم جلال ربنا وعظمة ربنا. يعني انت تقدر تحط خطة لبيتك الف سنة - 00:39:17

تقدر تحط خطة لبيتك عشرين سنة. تقدر تحط خطة لحياتك ثلاثين سنة. تقدر تحط خطة لشركتك خمسين سنة ده اللي يقول لك هعمل كده والله العظيم هيبقى مجنون. مجنون رسمي. عايز يروح يتعالج في مستشفى امراض عقلية. والاحدس والزروف والتقلبات الاجتماعية والسياسية يا عم انت انت - 00:39:37

يا عم انت انت فاكرك نفسك ايه؟ انت تحرق الجبال طولها؟ اعرف حجمك. ربنا سبحانه وتعالى بيقول لك اللي هيحصل في الكرة الارضية. الالف سنة الجاية كذا كذا كذا كذا. اللي هيحصل في مصر للالف سنة الجاية كذا كذا. هيبجي فلان وبعد كده فلان وهيحصل كذا والشعب هيحصل فيه كذا. وبعد كده كذا وبعد كده كذا. اللي هيحصل في امريكا لمدة الف سنة كذا. اللي هيحصل - 00:39:57

في في في السماء الدنيا لمدة الف سنة كذا ايه ده! انت انت اعرف حجمك واعرف قدرة ربنا. واعرف الفرق بين امكانيات الخالق بين الامكانيات المخلوق وبين الخالق. سبحانه وتعالى. القول الثاني بقى في يوم كان مقداره الف سنة ان ما تحتاجه انت - 00:40:17

لكي تصنعوا ما تحتاج فيه الف سنة الله يقدر ان يصنعه لك في يوم واحد ربنا قادر ان اللي انت محتاج له الف سنة تخطيط ومجهود وشغل يعمل لك في يوم - 00:40:37

ربنا يقدر يوفر لك عمرك. ربنا يقدر يبارك لك في عمرك. ارم نفسك عليه بقى لما تعرف من هو الله سبحانه وتعالى ترمي نفسك عليه. اخواني واحبابي في الله. ونحن نتحدث عن تدبير الله. لا ننسى ابدا تدبير الله في ليلة القدر. فيها - 00:40:55

يفرق كل امر حكيم ان امور العام كله تفرق في ليلة القدر. فانت بالنسبة لك يبقى ليلة القدر دي ليلة بقرن من الزمان. جميل جدا ده السواد. وكم ان ايه بقى صفقات ليلة القدر؟ ايه بقى مكاسب ليلة القدر؟ ان اقدار السنة بتتكتب في الليلة دي - 00:41:10

وتفصل عن اللوح المحفوظ في الليلة دي. انت عارف يعني ايه؟ يعني انت انت عايز السنة دي ايه بقى من ربنا؟ فليلا القدر دي ليلة مهمة اوي. يعني ليلة يتوقف عليها احدا كثير اوي السنة دي - 00:41:30

ليلة بيتوقف عليها قيمتك عند ربنا. ليلة بيتوقف عليها مقامك في الجنة. وسط صالحى الامم السابقة. آآ ليلة مهمة جدا. الليلة دي امتى؟ الرسول عليه الصلاة والسلام بيقول للصحابه اريت ليلة القدر وانسيته. انا شفت حلم ان ليلة القدر ليلة كذا بس انا نسيت.

سبحان انا في الحلم كنت فاكرك بس انا نسيت - 00:41:43

انما انا فاكرك في الحلم ان انا سجدت وكانت الارض مية وطين. كانت الارض بتاعة المسجد النبوي كلها مية وطين. يعني شوفوا بقى ايه الليلة اللي هتبقى الارض فيها ما يطيب. ليلة واحد وعشرين الصحابي يقول وما في السماء قزعة. ما فيش حتى حطة بتاعة بيضا

كده صغيرة كده. اه بيقول لقيت واحد وعشرين تجمعت - 00:42:03

سحب وهطلت الامطار فلقد رأيت الطين في انف رسول الله صلى الله عليه وسلم. النبي سجد في المية والطين. فكانت ليلة واحد وعشرين. ادي حديس صحيح انها ليلة واحد وعشرين. ليه الثلاثة وعشرين النبي عليه الصلاة والسلام يقول تحروا ليلة القدر في السالس والعشرين. تحروا دي كلمة التحريات تقول لك تحريات المباحس - [00:42:23](#)

يعني لو واحد مقتول. فالمباحس بتتحري مين اللي قتله؟ احنا عايزين هو واحد اللي قتله. الواحد ده الراجل ده كان له مراته وبيني وبينها مشاكل والراجل ده كان عنده شريكه في الشغل اه اه بينهم مشاكل كبيرة جدا بسبب ديون وحاجات. والراجل ده اصلا كان لسة يعني عامل - [00:42:43](#)

مع واحد بلطجي في الشارع اللي وراهم. والراجل ده والراجل مين بقى في دول؟ مين في دول؟ وفي بقى حد ممكن يكون غته بمطواة وخد محفظة مين في دول؟ فيحصل حاجة اسمها التحريات. يعني ايه التحريات؟ يعني الاجتهاد الشديد في جمع الادلة على اي هؤلاء الاشخاص - [00:43:03](#)

هو الاول بان يكون هو القاتل. فالرسول صلى الله عليه وسلم يقول لك في ليلة القدر ايه؟ اعمل تحريات. تحروا ليلة القدر في الثالث والعشرين ليلة الثالث والعشرين ممكن تبقى ليلة القدر. حديس صحيح عن النبي عليه الصلاة والسلام. ليلة خمسة وعشرين قال رسول الله صلى الله عليه وسلم انزل القرآن لاربعة وعشرين خيلنا من رمضان. اربعة وعشرين - [00:43:23](#)

احنا النهاردة كم رمضان؟ سبعة رمضان يبقى بالليل كم ليلة ايه؟ ليلة ثمانية. فانزل القرآن لاربعة وعشرين يعني ليلة اربعة وعشرين اسمها ايه؟ خمسة وعشرين. ليلة خمسة وعشرين. يبقى ليلة خمسة - [00:43:43](#)

آآ طب ليه السبعة وعشرين جه شيخ كبير للنبي عليه الصلاة والسلام؟ قال له يا رسول الله لا استطيع القيام. مرني بليلة انا هتقول لي بقى اعتكف معكم وهتقول لي بقى تحراه فلعانا - [00:43:56](#)

انا بص انا اخري ليلة. كل ليلة اقومها وانا ونصيبني. فالرسول عليه الصلاة والسلام قال له عليك بالسبعة. ادي سبعة وعشرين طب تسعة وعشرين صحيح البخاري قال النبي صلى الله عليه وسلم آآ آآ هي في العشر في العشر الاواخر من رمضان في تاسعة تمضي. يعني - [00:44:06](#)

ليلة تسعة وعشرين يعني حديس صحيح عن واحد وعشرين ثلاثة وعشرين خمسة وعشرين سبعة وعشرين تسعة وعشرين. يعني ليلة القدر متنقلة. ليلة القدر دي احتفال كوني بموعد نزول القرآن يحدده الله في اي ليلة شاء في العشر الاواخر من رمضان. متنقل ها؟ مش سابتة. ما هياش امال النبي - [00:44:26](#)

قال له عليك بالسابعة ليه؟ الاكترية بقى الاكترية نام يوم السبتة. انما من الليالي المرجحة جدا ثلاثة وعشرين. ثلاثة وعشرين عند المحدسين خمسة وعشرين. عند الفقهاء سبعة وعشرين انسى التنشين في ليلة القدر. طيب آآ الحمد لله بقى يعني كده واحد وثلاثة وخمسة وسبعة وتسعة. طيب خد بالك آآ قال رسول الله صلى الله عليه وسلم - [00:44:48](#)

خمس ليلة القدر في اخر ليلة في رمضان ورمضان السنة دي ثلاثين يوم فلكيا ثلاثين يوم. يعني ليلة ثلاثين اوعى تغفل عند حديس سابت عن النبي عليه الصلاة والسلام. طب يعني انا كده يا مولانا حرام عليكم ست ليالي من العشرة؟ لا يا باشا ده - [00:45:13](#)

لسه فيه اربع ليالي ممكن تيجي فيهم. قال رسول الله صلى الله عليه وسلم حديس صحيح سابت عن النبي صلى الله عليه وسلم. آآ قال رسول الله صلى الله عليه وسلم التمسوها في تاسعة - [00:45:28](#)

قيم في خامسة تبقي في في سابعة في تاسعة تبقي في سابعة ان تبقيت في خامسة تبقي في ثلاث تبقي. تبقي دي يعني النبي كان على طول يقول يمضين. يعني احسب ليلة واحد وعشرين ثلاثة وعشرين مرة - [00:45:38](#)

بقي لك طبقين هنعسب من ورا. يعني رمضان ثلاثين يوم ثلاثة تبقي ليلة كم؟ ما هو الليلة الاخيرة ليلة ثلاثين صح؟ طيب قبلها بليلتين تبقى ليلة كم؟ تسعة وعشرين. قبلها بتلات ليالي - [00:45:58](#)

ثمانية وعشرين يبقى لو رمضان ثلاثين يوم بقى تاسعة طبقين هي ليلة اثنين وعشرين. وسبع طبقين هي ليلة اربعة وعشرين.

وخامسة طبقين يا ليلة اربعة ستة وعشرين وثلاثة تبقي هي ليلة ثمانية وعشرين - [00:46:13](#)

ما فيش مخاطرة في ليلة القدر. ليلة القدر ليلة بقرن من الزمان وفيها يفرق كل امر حكيم. وتكتب اقدار العام. نسأل الله ان يجعلنا من الفائزين ليلة القدر هذا العام. اللهم اجعلنا من الفائزين بليلة القدر هذا العام. اللهم يسر لنا اعتكاف العشر الاواخر من رمضان. اللهم اجعلنا من الفائزين بليلة القدر - [00:46:30](#)

هذا العام اللهم يا ربنا ما انزلته على عبادك الصالحين في رمضان. من فتح ونصر ورزق ومدد وهدى وبركة وحفظ فاجعل لنا منه اعظم حظ ونصيب. اللهم زدنا ولا تنقصنا واکرمنا ولا تهنا. واعطنا ولا تحرمنا - [00:46:50](#)

واثرنا ولا تؤثر علينا وارضنا وارض عنا. اللهم انا نسألك العفو والعافية. نسألك العفو والعافية نسألك العفو والعافية. اللهم انا نسألك العافية وتمام العافية. ودوام العافية. والشكر على العافية اللهم انا نسألك من فضلك ورحمتك فانه لا يملكها الا انت. اللهم اكفنا بحلالك عن حرامك واغننا بفضلك عمن سواك - [00:47:10](#)

اللهم انا نسألك الهدى والسداد والحكمة والرشاد والتوفيق والمدد. اللهم اشرح لنا صدورنا ويسر لنا امورنا واحلل عقوبة من سنتنا يفقه قولنا. اللهم مددك العظيم يا ذا الجلال والاکرام. اللهم اهدنا وسددنا - [00:47:40](#)

اللهم انا نسألك الثبات في الامر والعزيمة على الرشد. اللهم الهمنا رشدنا واعذنا من شر انفسنا يا ربنا وسع ارزاقنا. يا رب انا اشفنا من امراضنا يا ربنا عافنا في ابداننا. يا ربنا ادع عنا ديوننا يا ربنا اشرح لنا صدورنا ويسر لنا - [00:48:00](#)

امورنا اللهم ارحم نفوسا تلهفت على باب برك واحسانك. اللهم انا لا نرجو الخير الا من وجهك الكريم. اللهم انا نرجو بر واحسانك وجودك. اللهم انا نسألك من كل خير خزائنه بيدك. ونعوذ بك من كل شر خزائنه بيدك. اللهم مصرف القلوب صرف كل - [00:48:20](#)

قلوبنا على طاعتك. ربنا اتنا في الدنيا حسنة وفي الآخرة حسنة وقنا عذاب النار. سبحانك اللهم وبحمدك. اشهد ان لا اله الا انت استغفرک واتوب اليک الله اکبر الله - [00:48:40](#)